

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA SANSKI MOST
OPĆINSKI NAČELNIK

Broj:04-14-1-1693/19

Datum: 02.08.2019.godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 04-14-1-1693/19 od 01.08.2019. godine, u postupku javne nabavke i sukcesivne isporuke kancelarijskog materijala i sitnog inventara za potrebe općine Sanski Most, Općinski načelnik je donio

O D L U K U **o izboru najpovoljnijeg ponuđača**

Član 1.

Prihvata se preporuka Komisije za javne nabavke, broj: 04-14-1-1693/19 od 01.08.2019. godine i ugovor za javnu nabavku i sukcesivnu isporuku kancelarijskog materijala i sitnog inventara za potrebe općine Sanski Most, dodjeljuje se ponuđaču **„Bosančica“ d.o.o. Sanski Most**, ponuda broj: 1/6-19 od 17.06.2019. godine, za ponuđenu cijenu od 25.079,60 KM bez PDV-a (**cijena sa PDV-om iznosi 29.343,13 KM**) kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču „Bosančica“ d.o.o. Sanski Most po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Općinska služba za finansije, trezor i zajedničke poslove.

Član 4.

Ova odluka objavit će se na web-stranici www.sanskimost.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Rješenjem o pokretanju postupka javne nabavke broj: 04-14-1-1693/19 od 07.06.2019. godine.

Javna nabavka je provedena putem konkurentskog zahtjeva za dostavljanje ponuda.

Procijenjena vrijednost javne nabavke bez PDV-a je 21.000,00 KM.

Obavijest o nabavci broj: 305-7-1-21-3-17 poslana je na objavu dana 07.06.2019. godine, a

objavljena je na Portalu javnih nabavki dana 07.06.2019. godine.

Komisija za javnu nabavku imenovana Rješenjem broj:04-14-1-1693/19 od 07.06.2019. godine dostavila je dana 02.08.2019. godine Zapisnik o ocjeni ponuda sa Izvještajem o toku i završetku E-aukcije i Preporuku o izboru najpovoljnijeg ponuđača broj: 04-14-1-1693/19 od 01.08.2019. godine, u postupku javne nabavke i sukcesivne isporuke tonera i ketridža za potrebe općine Sanski Most.

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dva).

- da je blagovremeno zaprimljeno 2 (dvije) ponude

- da su ponude ponuđača "Primaprom" d.o.o. Banja Luka i "Bosančica" d.o.o. Sanski Most prihvatljive i to:

Naziv / ime ponuđača	Ponuđena cijena (bez PDV-a)
1 "Bosančica" d.o.o. Sanski Most	25079,6
2 "Primaprom" d.o.o. Banja Luka	104442,02

U skladu sa članom 17. stav (2), (3) i (5) Upustva za pripremu modela tenderske dokumentacije i ponuda ("Službeni glasnik BiH", broj: 90/14) Komisija za javne nabavke u postupku nabavke i sukcesivne isporuke kancelarijskog materijala i sitnog inventara za potrebe općine Sanski Most, objavljenog na portalu javnih nabavki dana 07.06.2019. godine, tražila dana 09.07.2019. godine putem faksa pismenu saglasnost od ponuđača "Primaprom" d.o.o. Banja Luka na ispravku računске greške u Obrazcu za cijenu ponude- robe i to:Ukupna cijena bez PDV-a: umjesto 45.604,64 ispravno je 104.442,02 a Ukupna cijena sa uračunatim popustom bez PDV-a: umjesto 45.604,64 ispravno je 104.442,02. Isti dan, putem faksa, je stigao odgovor od strane ponuđača kojim oni daju suglasnost na korekciju cijene.

U skladu sa članom 66. stav (1) i (2). Zakona o javnim nabavkama BiH ("Službeni glasnik BiH", 39/14) i člana 17. stav (7) Upustva za pripremu modela tenderske dokumentacije i ponuda ("Službeni glasnik BiH", 90/14), ugovorni organ je pismenim putem od "Bosančica" d.o.o. Sanski Most tražio objašnjenje cijene ponude jer je bio ispunjen slijedeći uslov:

a) cijena ponude je za više od 20 % niža od cijene drugorangirane prihvatljive ponude.

19.07.2019. godine ponuđač "Bosančica" d.o.o. Sanski Most je dostavio je pojašnjenje neprirodno niske cijene što je i prihvaćeno od strane Komisije na sastanku održanom 30.07.2019. godine.

U skladu sa tačkom 8. tenderske dokumentacije zakazana je i provedena e-aukcija u sistemu E-nabavke u skladu sa Pravilnikom o uslovima i načinu korištenja e-aukcije ("Službeni glasnik BiH", broj 66/16). E-aukcija je zakazana dana 30.07.2019. godine u 09:09:22 sati sa terminom održavanja 01.08.2019. godine sa vremenom početka u 12:00:00 i predviđenim trajanjem e-aukcije od 10 minuta.

Nakon okončane e-aukcije koja je trajala u vremenskom periodu od 01.08.2019. godine od 12:00:00 do 01.08.2019. godine do 12:10:00 sati, a u skladu sa Izvještajem o toku i završetku E-aukcije, Komisija je konstatovala **da nije došlo do promjene cijene u odnosu na početne**, te je utvrdila konačnu rang listu ponuđača kako slijedi:

Naziv / ime ponuđača	Ponuđena cijena (bez PDV-a)
1 "Bosančica" d.o.o. Sanski Most	25079,6
2 "Primaprom" d.o.o. Banja Luka	104442,02

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, tenderskom dokumentacijom i nakon izvršene E-aukcije. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača	Ponuđena cijena (bez PDV-a)
1 "Bosančica" d.o.o. Sanski Most	25079,6
2 "Primaprom" d.o.o. Banja Luka	104442,02

Izabrani ponuđač "Bosančica" d.o.o. Sanski Most izabran je primjenjujući kriterij najniže cijene, koja je ponuđena u iznosu od 25.079,60 KM bez PDV-a /ukupna cijena sa PDV-om iznosi 29.343,13 KM/ i ponuđač "Primaprom" d.o.o. Banja Luka koji je ponudio cijenu u iznosu od 104.442,02 KM /ukupna cijena sa PDV-om iznosi 122.197,16 KM/, čime je utvrđen njihov sukcesivni red.

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke.

OPĆINSKI NAČELNIK

Faris Hasanbegović, prof.

Dostaviti:

1. "Bosančica" d.o.o. Sanski Most
Prijedorska br. 26., Sanski Most
2. "Primaprom" d.o.o. Banja Luka
Vidovdanska bb., Banja Luka
3. Dosije
- 4.a/a